

Юлдузларнинг учиши тасодифми?



15:00 / 11.12.2020 6727

Аллоҳ таоло яшаб турган курраи заминни беҳикмат яратмаган. Унда бирор нарса мукаммалик сифатидан йироқда эмас. Хоссатан дунё осмонига назар солсак тунда қоронғу бўлиб кўринади. Лекин нур сочган юлдузлар сабабидан гўзал осмон қаршисида Аллоҳ таолонинг мукаммал яратувчи эканлигига ҳеч шубҳангиз қолмайди.

Бепоеён осмонда нур сочиб турган юлдузлар аслида нимани ифодаси экан деган савол туғилади кишида.

Ҳақиқатдан ҳам мовий осмонимизни кечалари чақноқ юлдузлар безаб туради. Оқшомлар фусункор бўлиб кишини маҳлиё қилиб қўйишига сабаб ҳам шудир. Шунингдек, дунё осмонидаги фаришталар ўзаро суҳбатлашаётганда, уларни гапларини ўғринча тинглаб, фолчи малайларига етказишга уринадиган жинлардан муҳофаза қилингани ҳам таъкидланмоқда. Уларни учар юлдузлар етиб, ҳалок этади. Ҳақиқатдан ҳам, кечалари баъзан ёрқин из қолдириб юлдуз учганини кўриб қоламиз.

Улар юлдузлардан ажралган бир парча бўлиб, жинларни ҳалок этиш учун отилар экан. Бус-бутун турган юлдуздан ўз ҳолича бирор бўлак ажралиб, ихтиёрий равишда хоҳлаган томонга қараб йўл олмаса керак? Аслида бу

нарсалар қудратли зот бўлмиш Аллоҳнинг иродаси ила содир бўлар экан.

«Мулк» сурасининг 5-ояти каримасида шундай марҳамат қилинади:

نَبِيَّ طَائِيٍّ شَلَّلَ أَمْ وُجُرَاهَا أَنْ لَعَجَّ وَحَيْبِ أَمْرٍ مَبِئْسَ مَا آتَى نَدْلًا ءَأَمَّ سَلَا أَنْ يَزِدَّ قَوْلًا
رِيَّغٍ سَلَا بَادَعٌ مُهَلَّ أَنْ دَتَّ عَاوُ

«Ва дарҳақиқат Биз яқин осмонни чироқлар билан зийнатлаб қўйдик ва у (чироқ)ларни шайтонларга отиладиган нарса ҳам қилиб қўйдик».

Аллоҳ таоло Ўз қудратига бандалари эътиборини жалб қилиш учун қушнинг яратилиши ҳақида ўйлашга чорлайди.

Демак, кечалари юлдузларнинг учиши тасодифий ҳол эмас экан. Шунингдек, юлдузларни биз бандалар учун яна қандай хизмат қилишлиги ҳақида «Анъом» сурасида шундай марҳамат қилинади:

دَقْرُحَبَّالْأَوْرَبِ لِمَا تَأْمَلُ طَيْفِ أَوْبٍ أَوْ دَتَّ هَتَلْ مَوْجُنْ لِمَا كَلَّ لَعَجَّ يَدَّلَا وَهَو
نُؤْمَلَّ عَيْ مَوْقَلَّ تَأْيَالَا أَنْ لَّصَفَ

«У сизларга қуруқлик ва денгиз зулматларида йўл топишингиз учун юлдузларни қилиб қўйган Зотдир. Батаҳқиқ, биладиган қавмлар учун оятларни муфассал баён қилиб қўйганмиз» (97-оят).

Ҳа, Аллоҳ таоло фақат биладиган, ибрат оладиган, тафаккур қиладиган қавмлар учун ҳар бир оятларни батафсил баён қилмоқда. Тафаккур юритмаймизми?

Ушбу ояти карималар орқали дунё осмонидаги юлдузлар бежизга яратилмаганлигини билиб олдик.

Улар:

1. Осмонимизни безаб, кечаларимизни ҳусункор қилади.
2. Қоронғу кечаларда бизга йўл ва манзил учун белги.
3. Малоикаларни гапларини ўғирлаш учун борган жинларни қувиб, ҳалок этади.

Худди шу маънода Аллоҳ таоло «Анбиё» сурасида бизларга уқтиради:

نَبِيَّ بَعَا لِمُهَنْبِيَّ بَأَمَّ وَصَرَّأَلَا ءَأَمَّ سَلَا أَنْ قَلَّخَ أَمَّو

«Биз осмонлару ерни ва уларнинг орасидаги нарсаларни ўйин учун яратганимиз йўқ» (16 - оят).

Бундай улкан ва ажойиб нарсалар, албатта, ўйин учун яратилмайди. Беҳудадан-беҳудага шунчалик уринишнинг кераги йўқ. Мақсад ўйин бўлса, шунга мосроқ нарса яратилар эди.

Ш.Сетираев